

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 556 del 06/03/2026

Manà fora su Trentino Tv l program l vegn endrezà dal Comun General de Fascia

“Pedies”: con en sabeda ai 7 de mèrz vegn fora la puntata #528 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 528. I argomenc de chesta puntata l é la regoeta del refudam: muda la normativa con multes pesoche, Martina Ambrosi atleta che à tout pèrt a la olimpiades se porta dant, la scescion forestala stata a Sèn Jan e la mostra de la mendranzes del Trentin te Palaz de la Region.

L Ofize Igiene urbèna e ambientèla del Comun General de Fascia con sie Conseier de Procura Manuel Mazzel e l responsabol Stojan Deville porta dant n bilanz en cont de la regoeta desferenzièda di ultimes tempes; te Fascia l é n piorament con ejic grieves. Apede vegn portà dant la neva normativa con multes pesoche.

La jona atleta de saut coi schi Martina Ambrosi, che à tout pèrt ai jeghes olimpics de Milan Cortina 2026, se porta dant. Per ela la Olimpiades de cèsa l é stat n gran zil argont con gaissa e sacrificies.

Te la scescion forestala stata a Sèn Jan, l Ofize distretual de la Forestala de Ciavaleis, che l tol ite Fascia e Fiem, l à portà dant informazions e dac en cont de la condizions di bos e de la besties salvères te nosc raion.

A Trent, te Palaz de la Region, tel chèder del prum Dì regionèl de la Mendranzes linguistiches l é stat endrezà na mostra dedichèda ai artis ladins, mochegn e zimbres. L é stat metù fora desvaliva operes, soraldut scultures e chèdres e apede ence vèlch model del quant da zacan.

I reports de chesta setemèna i é stac enjigné e porté dant da Angela Pederiva e Riccardo Zanon.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su **Trentino Tv – canal 10 Prov. de TN**- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program l va fora ence sun **AltoAdige TV – canal 11 Prov. de BZ** - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

La puntata de chesta setemèna la vegnarà fora entorn la medema ora de la televizion.

Se pel veder i report un a un su la piata Facebook de TV Ladina:

<https://www.facebook.com/TelevizionLadina>

Traduzion di Servijes Linguistics e Culturèl del Comun general de Fascia

(cdt)